

16. august 2012

UKA 2012/154

Inatsisartut suleriaasianni § 33 naapertorlugu aalajangiiffigisassatut siunnersuut imaattoq saqqummiuppara:

**Naalakkersuisut UPA 2013-imi Aningaasanoorutit ilaannit iluanaarutinit agguaaassisarneq pillugu Inatsisartut Inatsisaat nr. 10, 22. november 2011-imut allanngutissatut siunnersuummik saqqummiusseqqullugit Inatsisartuni aalajangiiffigisassatut siunnersuut, taamaaliornikut 2013 aallarnerifigalugu § 1, imm. 1 nr. 1 naapertorlugu aningaasanik ukiumut 1 mio. kruuninik annertussuseqartunik nunatsinni qimussertarnerup immikkuullarissup nunatta kulturikkut oqaluttuarisaanikkullu kingornussaatur pingaartutilittut piginnarneqarnissaa qulakkeerneqarsinnaaqqullugu.**

(Inatsisartunut ilaasortaq Aleqa Hammond, Siumut)

**Tunnngavilersuut:**

Qimussersinnaanermik ilisimasaqarnerput pissutigalugu nunami matumani inuusinnaasimavugut, piniarnermummi ilisimasavut, nunamullu inuuffigiuminaatsumut nalimmassarsinnaanerpup qimussersinnaanermut ilisimasavut kiisalu qimussimik piniarlutalu aalisarsinnaanitta maani inuusinnaangortissimavaatigut

Nunani qimussernermik ilisimasaqarfiusuni kisiartaalluta ukiuunerani qimusserluta piniartarpugut. Tunumi Avannaanilu piniarnermik aalisarnermillu inuussutissarsiusagaanni qimussersinnaaneq pinngitsoorneqarsinnaangilaq.

Erseqqissaatigissavara qimminik qimuttunik paarsilluarsinnaaneq qmmitutilimmut akisussaaffiuvoq pisussaaffiullunilu annertoq, nuannaarutigaaralu ukiuni kingullerni arlaqartuni pissutsit taakkorpiat pingaartut eqqummaariffigisimagatsigit. Timersornermut atugassatut perorsakkanik qimmeqaraanni, imaluunniit nalinginnaasumik qimuttunik qimmeqaraanni, taakkununga akisussaaffik assigiippoq.

Qimusseq qimmivullu piukkunnartut unnersiutiginiarlugit qimussimik unammersuarnerit Avannaata Qimussersuanik taagorneqartut tamatta nunami maani tulluusimaarutigeqisavut ingerlartarpagut. Angutit qimmerissorsuit, qimmiminnullu asannittut, qimminik paarsilluarnissamut ilisimaarinnilluartut, qimminilu inuunerminni pinngitsuuisinnaangitsut, nunap immikkoortuani assigiinngitsuneersut ukiut tamaasa naapillutik Avannaata Qimussersuatut taaguut unammissutigisarpaat.

Amerlaqisut ullorpassuarni unammersuarfissamut ingerlaartarpup. Ilaat

Amerlanerit itunnikoorlutik ullut arlerlugit ingerlaartarput unammiffissaminut ingerlaarlutik. Ilai aqputigissaartuaannaratik aammalu atugarliortarlutik ingerlaartarput ullumi qimussimik sukkanni-uuffiusussami aallarfitsik illersoriartorlugu. Takorannertaqaat qimmerpassuit, aallarusuttoortut isigalugit, ataqqinartut qimmit inuminut suleqatigiissinnaanerak takullugu aammalu saqittaait nipit assigiinnigitsut tusaallugit isigalugillu inuttut iluitsunnigornartutut misigisimanarnera miserratigineqarsinnaanngilaq.

Avannaata Qimussersuaqarneranut aqqissuussiniarnermi ukiuni arlaqartuni aningaasatigut ilungersunartorsiuteqartoqartarnerata kingunerisaanik qimussersuariarniarlutik anngussimagaluartut apuussinnaasarsimanninnerisa kingunerisarpaat nunatsinni qimusserfiusut tamarmik ataatsimoorsinnaasanninnerat, uanilu isorliusuneernerit eqqornerlunneqartarput tassalu Tunumeersut Avannersuarmeersullu. Isumaqaarpunga qimusseq ullutsinnut atugassaqaartinneqarnera inuiattut anner-tunerusutigut illersorlugu iliuseqarfigineqarnissaa piffissanngortoq taamaamat siunnersuutigaa Avannaata Qimussersuaqartarneranut aqqissuussineq maani inatsisartutigut tigussaasumik nunatta karsianik aaliangersimasumik aalaakkaasumik tunngaviliisumik illersorneqartariaqarluni nunatta finansloviatigut inissisimatinneqalissasoq, taamaasilluta naalakkersuinikkut tunuliaqtsiilluta nunatsinni eriaqisassaattita ataqqisattalu illersorneqarneranut tunuliaqtaalluta.

Avannaata Qimussersuanut aqqissuussisarneq illoqarfiit unammiffiusussat iluani peqatigiiffimmit isumagineqartarput tamannalu misilittagaqarfigilluarneqarlunilu annertuumik pikkoriffigineqarpoq tulluusimaarnaqisumik. Piareersaatit amerlasaqaat aammalu aningaasassaqaarniarnikkut angallannikkullu aporfiit annertuumik suliniarnermi niaqorluutigineqartarput aningaasammi nam-matsinngitsuulernerini kinguneqartuarmat unammiasinnaasunik paaasariaqartarneq tamannalu isorliunerusunut sunniuteqartuarnera assigiinnigisitsinermik taaneqarsinnaallunilu ataqqinartumik atugassaqartitsiffiunngitsutut taaneqarsinnaavoq.

Maannamut ukiumut Avannaata Qimussersuaqartarnerini naliginnaasumik missingersersuisarnermi aningaasartuutigineqartartut 2,6 mio. kruunit naleraqqavai, tassanilu aningaasartuutitut tamarmik matussusiinissaannut tagginneqartarlutik. Aningaasat taakku amerlassusissaat nikerarsinnaasarpur ukiut tamaasa aningaasassarsiortarnerup iluatsinnera iluatsinnginneraluunniit apeqqutaasuarluni. Piffissaq angisooq atorineqartarpoq tapersersuisussarsiornermi tamannalu aamma tapersersuisar-torpassuaqarneratigut iluatsitsinnaasarpur qujanartumik.

Timersornertut allatuulli sanillersuunneqarsinnaanngilaq qimussersuartarneq. Aalisartut piniartut timersortartuunngillat allatuulli timersortartutut taasakkatsitut soorlu arsaattartut, sulorartartut al-lallu. Inuuniutigisaminnik unammiaartarput sukkanni-uullutik. Piffissami aaliangersimasuni sungi-usarneq ingerlanneqartannngilaq, atortut sanillersuunneqarsinnaanngillat minnerunngitsumillu qimussersuariartartut tassaappur uanga isumaga naapertorlugu inuiattut uagut inuuniarnitsinni sak-korput atorlugu ulluni muteerniunerusunut tulluarsarlugu unammilluni qimmimut nersorinninneq aammalu inuiattut pingaartitatsinnut unnersiutiginnilluni ataatsimoorfeqarneq nunatut annertuumik tunuliaqtsiilluni illersorneqarsinnaasumik tapersersorneqartariaqartoq.

Kalaaleq, aamma qimussertartuq nunamini tassaali naalakkersuinikkut kinaassutsiminik aammalu oqaluttuarisaanermi pigisatigut ingerlatitseqqittoq illersorneqarluni pingaartinneqartoq, aamma aningaasanut inatsitigut.

Neriuppunga inatsisartoqatima angutitatta qimussimik sukkanniuuttarnersuanut tulluusimaarlutik tunuliaqutsiillutillu oqinnerusumik atugassaqartinniarlugit suleqataajumassuseqarumaartut.

Siunnersuut assersuutigalugu Aningaasanoorutit ilaannit iluanaarutinit agguaassisarneq pillugu Inatsisartut Inatsisaatnr. 10, 22. november 2011-meersumi § 2, imm. 1 nr.-ip allangortinneratigut pisinnaavoq, taamaalilluni nr. 1 ima oqaasertaqalissalluni:

*”1) atugassanngortitat § 1, imm. 1, nr. 1-imi taaneqartut Kalaallit Nunaanni Timersoqatigiit Kattuffiannut, timersornernut tamanit peqataaffigineqarsinnaasunut, innarluutillit utoqqaallu timersornerat ilanngullugu, agguaasseqqinnernik isumaginnittussamut agguanneqassapput, taamaattoq aningaasat 1 mio. kr-inik annertussuseqartut Kalaallit Nunaanni Qimussertartut Kattuffiannut ukiumut atugassatut immikkoortinneqareersimasarput”.*

Erseqqissaatigissavara oqaasertaliussatut taasat assersuutaannaammata. Inatsisiliornikkulli siunnersuutikkut anguniarneqartoq allatut ilusilerlugu aaqiivigineqarsinnaavoq. Tamannali pingaarnernunngilaq, siunnersuutilli siunertaata piviusunngortinnera pingaarnarpaavoq.

**Pisortanut aningaasatigut allaffissornikkullu sinniutit:**

Siunnersuut tamakkiisumik aningaasalersugaareermat pisortat aningaasaqarnerannut ajorse-riaataasumik kinguneqassanngilaq.

Inatsisiliassatut siunnersuutissatut tusarniutaajumaartutullu kissaatigineqartup annikitsuinnarmik suliaasaasutut isigineqarpoq. Taamaammatt suliaasap naalakkersuisoqarfimmut aningaasaliissutaareersut iluanni ajornanngitsumik suliarineqarsinnaasutut isigineqarpoq.

**Innuttaasunut aningaasatigut allaffissornikkullu kinguneqaatit:**

Siunnersuutip piviusunngortinneqarneratigut ukiumoortumik qimussernermik pissartanngorniutarnernup kulturikkut ilerigisatut ingerlanneqartarnernata aningaasatigut tunngavissai qulakkiissavai. Aningaasat Kalaallit Nunaanni Timersortartut Kattuffiannut allanullu tamat timersuutaannut agguanneqartartut soorunami ikinnerulissapput, tamannali annertuumik ajornartorsiutaasutut isigineqanngilaq, aningaasammi suli 8 mio. kr-it missaanni annertussuseqartut aningaasanut inatsimmi konto pingaarneq 30.19.21-ikkut timersuutininut allanut agguanneqartassammata.